



Nuuk ulloq 6. septembari - 2019

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara:

Naalackersuisunut apeqquutit:

1. Naalackersuisut naatsorsuutiginerlugu eqqakkanut ikuallaavimmik Uummannami pilersitsinissartik?

1a. Taamaassimappat taava ikuallaaviup aallartinnissaata qularnaarnissaanut suliaq sumut killippa?

1b. Taamaassimangippat, suna pissutaava?

2. Naalackersuisut naatsorsuutiginerlugu illoqarfinni nunaqarfinnilu ikuallaaveqanngitsuni kommunit ikuallaavilersuilerpata tapersorsorumaarlugit?

2a. Taamaassimappat Naalackersuisut sunik pilersaaruteqarpat kommunit ikiornissaannut eqqarsaatigalugit eqqakkat ikuallaavinni akuerisani ikuallanneqartalernissaat?

3. Naalackersuisut uppersarsinnaanerlugu Avannaata Kommuniata eqqagalerinermut pilersaarutaa ilumut malinneqartoq?

3a. Taamaassimangippat, suna pissutaava?

3b. Taamaassimangippat Naalackersuisut unioqqutitsilluni iliuuseriikkanut iliuuseqarnissaminnut periarfissaqarpat imaluunniit Naalackersuisut periarfissaqarpat kommunit ikiussallugit qularnaarniarlugu nuna tamakkerlugu peqqinnissakkut illersorneqarsinnaasumik eqqagalerisoqalernissaa?

4. Uummannami imeq qanoq akulikitsigigumik nalilerneqartarpa, imaluunniit illoqarfinni allani avinngarusimasumik ikuallaaveqartunik, uani eqqarsaatigeneqarpoq eqqakkanik ikuallaanerup kinguneranik erngup pitsaassusaasa partikilinit nakkaasunit sunnerneqartarsimasinnaanera.

5. Uummannami najugaqarfiit silaannaap pujormik toqunartortalimmik peqarsinnaanera paasiniallugu uuttortaasoqartarnerluni imaluunniit illoqarfinni allani avinngarusimasumik ikuallaaveqartuni, taakkunani ikuallaasoqarsimatillugu peqqinnissakkut ulorianartoqarsinnaanera nalilersorneqartarnerluni?

6. Naalackersuisut silaannarmi toqunartoq Dioxin pillungu ilisimasaqarnertik qanoq iliuuseqarfiginiaarpat - aamma allat silaannarmi toqunartut aatsitassallu arortikkuminaatsut, eqqarsaatigalugit Uummannami illoqarfinnilu allani maaniinnaq ikuallaaviusartuni inuit peqqinnissaat naliginnaasumik eqqarsaatigalugu?

6a. Naalackersuisut isumaqarpat tamanna mingutsitsinerusoq akuersarneqarsinnaanngitsoq?

7. Naalackersuisut eqqarsaatiginerlugu kommunit eqqagalerineranni ikiussallugit, aningaasalersuinikkut allatigulluunniit?

8. Pilersaarutigineqarpat ikuallaaviliortoqarnissaa Uummannami aamma Kalaallit Nunaata sinnerani ikuallaaveqanngitsuni?

8a. Taamaassimappat qaqugu tamanna pissava?

9. Naalackersuisut paasisimasaqarfiginerlugu illoqarfimmi taama inuttussuseqartumi (1.200-niik 1.400-nut inulimmi) eqqakkanik ikuallaaneq avatangiisinut qanoq ajortumik kinguneqartarnersoq?

9a. Misissuisoqarnikuunerluni Naalackersuisut innersuussutigisinnaasaannik?



SULEQATIGIISITSISUT
SAMARBEJDSPARTIET

10. Naalackersuisut qinnuigineqarput nassuiaqqullugu, nunami maani inatsisit naapertorlugit, suut avatangiisinut illersuutit malinneqartussaataitaanersut pineqartillugu eqqagalerineq aamma nassuiaqquneqarpoq Naalackersuisut isumaqarnersut inatsit pineqartoq nunatsinni tamarmi malinneqartoq?

11. Suliamut tunngasunik allanik soqutiginaatilinnik Naalackersuisut paasissutissiinnaanerlutik?
(Inatsisartunut ilaasorta, Tillie Martinussen, Suleqatigiissitsisut)

Tungavilersuut:

Avannaata Kommuniiani eqqagalerinermut pilersaarutip atuuffissaani 2018-miit 2021-mut atuarneqarsinnaavoq anguniarneqartoq avannaani avatangiisinut suliniutit pitsanngorsarneqassasut. Kommuniiani allanik assigusunik aamma pilersaarusiortoqarnikuuvoq aamma eqqagalerinermut. Taamaakkaluartoq avannaanut tikeraaraangatta ernummatigisatsinnik takusarparput eqqagalerineq illersorneqarsinnaanngitsunik ingerlanneqartoq aamma peqqinnanngitsunik. Kingullermik qularsaarutigalugu takuarput avannaani sumiiffiit ilaanni helikopterit mittarfiat matuneqartariaqarsimasoq annilaanngatigineqarmat, eqqagalerinerlunnerup kinguneranik timmisartuussinerit ajunaarnermik eqqorneqarsinnaasut.

Tamanna akuerineqarsinnaanngilaq kisianni malunnarpoq ajornartorsiut sivisuumik atuussimasoq. Taamaattumik tusassallugu soqutiginarpoq Naalackersuisut sunik pilersaaruteqarnersut ajornartorsiutaasut iluarsiniarlugit, kommunit suleqatigalugit, taakkumi oqartussaaffinnik naammattunik tigusinikuupput, piviusunngortitsinissamulli aningaasanik amerlanngitsunik malitseqartinneqartartunik. Suleqatigiissitsisuni isumaqarpugut Avannaata Kommuniiani naammattunik suliniuteqartoqanngitsoq eqqagalerinerup aallartisarnissaa pillugu - soorlu kommunit allarpassuit assigalugit. KNR-mi aamma atuarparput Ikerasaarsummi eqqaaviup nuunneqarnissaa sulii aallartinneqarsimanngitsoq naak Avannaata Kommunia arlaleriarluni ikioqqulluni saaffiginnittarsimagaluartoq.

Malunnarpoq kommunit, aamma Avannaata ilungersunartorsiortut, pilersaarusiarineqarsimasut piviusunngortinniarnissaasa qularnaarniarnerannut atatillugu. Innuttaasut pisinnaatitaaffeqarput illoqarfimmik pitsaasunik avatangiiseqarnissaannut tamannalu pimoorunneqartariaqarpoq, najukkami aamma pingaartumik nuna tamakkerlugu politikkerit tungaanniit. Eqqagalerinerup pitsaasup iluaqutissartaraa ineriartortarneq najugaqariaatsikkut aamma siunissami avatangiisit pinngortitarlu illersorneqartarput - minnerunngitsunik aamma inuit. Taamaattumik qulaani apeqqutikka apeqqutigaakka.

Apeqqutikka akeqquneqarput ullut qulit iluanni.

Tillie Martinussen
Samarbejdspartiet - Suleqatigiissitsisut